



Future-proofing our children

Sikolo sa lasunda: Sitopa sa banana ba bainyani

Toho ya Tuto

Buitumelo ni sitabelo

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ye li **"Buitumelo ni sitabelo"** ya sikolo sa lasunda ya banana ba bainya. Pampili ye i mifa kabukuswani kamo muka lutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku itukiseza kufa hande tuto: • Bibe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) Mamela: 2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni kufa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sundu.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sundu.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sundu mwa kopano yamina ba itukiselize ku mi tusa.





Tuto

Toho ya tuto

Buitumelo ni sitabelo

Mutomo/ butokwa bwa tuto

Tuto ya kacenu ilu luta kuli buitumelo bu tisa tabo ni kuli butumelo bu swanela ku zwelela mwa pilu.

Tuto ye kusufalizwe

Luna ni ze ñata zeo lu swanela ku itumela ka zona, me lu swanela ku sa libala ku supeza buitumelo bwa luna kwa bashemi ba luna ni ku Mulimu.

Likande le, li lu luta lilato la mushemi wa musali kwa lubasi lwa hae, ni ka za misebezi ye miñata ya eza ka lilato yeo lu sa koni ku lemuha.

Mushemi wa musali wa kula/katazaha mi ha koni ku eza misbezi ya hae ya kamita.

Mushemi wa munna ni banana ba kopana ku ambola ka za maemo ao. Kapili pili misebezi ya putako ya ikabelwa. Hakuna se ne si ezizwe ka mukwa o lukile. Se sa tisa ku sa ikutwa hande kwa banana sihulu bakeñi sa kuli ne ba filwe misebezi yene ba sika eza kale mwa bupilo bwa bona.

Ba komokiswa ki buñata bwa misebezi yeo mabona na ezanga ka zazi ni zazi.

Ba lapela kuli a fole ni ku kutelwa ki makete, mi ba taba ni ku itumela ha sa folile ni ku kutelwa ki makete hape.

Ba supeza buitumelo bwa bona ka ku mu ezeza mponyana/mpo ye nyinyani.

Mukupiwa ku buha video ni mwana mina, kuli mu bone likande, ka ku tala.

Tuto ye italusa sika mañi ku luna kacenu?

- Buitumelo bu tisa tabo ku ya fa, ni ku ya amuhela.
- Ku ba ni buitumelo ku swanela ku zwelela mwa pilu.
- Luitumele ku Mulimu bakeñisa sa bashemi ba luna, mi lu ba supeze butokwa bwa bona ku luna/ka mo lu lungela butokwa bwa bona ku luna.
- Mu supeza buitumelo bwa mina ku Mulimu ka ku tisa sitabelo, ku kenisa keleke ni ku opela mwa sikwata sa baopeli.
- Lu swanela ku supeza buitumelo mwa lika kaufela ze lu eza.



Lipuzo zemwi ze lu kona ku buza:

1. Puzo: Lu itumela bakeñisa sa bo mañi?

Kalabo: Bashemi ba luna, balikani ni ba eteleli ba keleke.

2. Puzo: Lu itumela kwa sika mañi?

Kalabo: Lingana za luna, pupo (ze bupilwe), bulobalo bwa luna bo bunde, libapaliso, limpo za luna ni litalenta ili kuli lu bulela, ku seha, ku tulaka ni ku opela.

3. Puzo: Lu kona ku supeza cwani buitumelo bwa luna kwa bashemi ni balikani ba luna?

Kalabo: Ka ku tusa bo maluna kwa misebezi, ka ku tisa tabo ku bona, ka ku ba fa nako ya luna.

4. Puzo: Lu kona ku supeza cwani buitumelo bwa luna ku Ndataluna ya kwa lihalimu?

Kalabo: Lu kona ku eza sitabelo sa limpo ni litalenta za luna ka ku kenisa keleke, ku beya lipalisa fa katala, ku opela mwa mwa likwata za likopelo, ni ku tisa sitabeli/nubu mwandu ya Mulimu.



Litapelo za luna

Tapelo ya bo Ndate ni Boma ye fiwa pili tuto isi ka tateka:

Ndate ya mwa lihalimu

Na itumele ku wena kwa lizazi lelimwi la lilato ni sishemo sa hao

Na kupa u fuyole bome ni bondate. Fuyola baeteleli, balikani baluna kaufela ni mabasi a luna

Lu lapela kuli lu ku late ni ku kuli lu kalatelela bashemi ba luna

Lu fuyole kuli lu kone kuba ni sishemo ni lilato mane ni ku ba ni likuta ni musa ku be lu kopana ni bona

Lwa kupa u fuyole tuto ya sikolo sa banana sa la Sunday ye, ni kuli nako kaufela lu hupule ku itumela ku wena ka ku lu keta kuba bana ba hao.

Lu bata ku inelela mwa tumelo ni ku latelela ku fitela u taha ku to lungela kwa hae.

Lu kupa ze kaufela mwa libizo la hao

Amen

Tapelo kasamulaho wa tuto:

Ndate ya mwa lihalimu,

Lwa itumele kuli ulu silelelize, ni ku lu lumelela kuli lu kone kuba ni likande lelinde la Bibe

Lwa itumela kwa ku lubabalela ni ku lu Sileleza kwa likozi.

Na kupa uli tuse ku ba baba latelela bashemi ba luna, ni kuba ni seshemo ku be lu kopana ni bona.

Na kupa ulu tuse kwa misebezi ya luna ya kwa sikolo.

Fuyola mu Apositola yo muhulu, ba Apositola ni baeteleli ba keleke kaufela, mi uba sileleze mwa misipili ya bona, ili kuli ba lu lute zeñata za musebezi wa hao.

Na kupa utuse bana ba hao kaufela, sihulu baba kula, ni ba basina sa kuca ni malobalo

Taha kapili ulungele kwahae

Lu kupa ze kaufela, iso kuli za lu swanela, kono mwa libizo la Jesu

Amen.